



Broj: 05-37-~~1940~~/25
Zenica, 28.11.2025. godine

Na osnovu člana 69. i člana 70. Zakona o javnim nabavkama BiH („Službeni glasnik BiH“ br. 39/14, 59/22 i 50/24) i člana 34. Statuta Javne zdravstvene ustanove Zavod za bolesti ovisnosti Zeničko-dobojskog kantona broj:870-15-2-XI/ 18 od 09.11.2018. godine, Vršilac dužnosti direktora dana 28.11.2025. godine donosi

ODLUKU

Član 1.

Vrši se odabir ponude ponuđača „JU Kantonalna bolnica Zenica“ broj: 1908/25 od 21.11.2025. godine, kao najpovoljnije za **javnu nabavku usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman-Detoks** za potrebe Javne zdravstvene ustanove Zavod za bolesti ovisnosti Zeničko-dobojskog kantona, ukupne vrijednosti ponude **3.933,80 KM bez PDV-a** i dodjeljuje ugovor odabranom ponuđaču.

Član 2.

Sa odabranim ponuđačem zaključit će se ugovor na period od dvije godine, na procijenjenu vrijednost nabavke do 30.000,00 KM bez PDV-a, na dvogodišnjem nivou.

Član 3.

Javna nabavka je provedena putem postupka javne nabavke dodjele ugovora za usluge Aneks II Zakona o javnim nabavkama BiH.

Član 4.

Ova odluka stupa na snagu danom donošenja.

O b r a z l o ž e n j e

U skladu sa članom 5. i 8. Pravilnika o uspostavljanju i radu Komisije za nabavke („Službeni glasnik BiH“, broj 103/14 i 49/23), Komisija za javnu nabavku usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman-Detoks, imenovana Odlukom Vršioca dužnosti direktora broj: 05-37-1865/25 od 11.11.2025. godine, podnosi Vršiocu dužnosti direktora Javne zdravstvene ustanove Zavod za bolesti ovisnosti Zeničko-dobojskog kantona Izvještaj o provedenom postupku javne nabavke usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman-Detoks za potrebe JZU Zavod za bolesti ovisnosti Zeničko-dobojskog kantona na period na 2 (dvije) godine (tender broj: 02-4/25).

Odlukom Vršioaca dužnosti direktora broj: 05-37-1864/25 od 11.11.2025. godine pokrenut je postupak za javnu nabavku usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman - Detoks za potrebe JZU Zavod za bolesti ovisnosti Zeničko-dobojskog kantona na period na 2 (dvije) godine (tender broj: 02-4/25), ukupne procijenjene vrijednosti **30.000,00, KM** bez uračunate vrijednosti PDV **na dvogodišnjem nivou**, iz Aneks II dio Zakona o javnim nabavkama BiH.

Komisija je na zatvorenom sastanku održanom dana 24.11.2025. godine sa početkom u 10:30 sati, utvrdila sljedeće:

- da je 24.11.2025. godine u 10:00 sati bio rok za prijem ponuda,
- da je dana 24.11.2025. godine u 10:30 sati održano javno otvaranje ponuda,
- da je Poziv za dostavu ponuda objavljen na Portalu javnih nabavki zajedno sa obavještenjem o nabavci dana 12.11.2025. godine,
- da je sa portala javnih nabavki Javni poziv za dostavu ponuda preuzelo ukupno pet (5) ponuđača,
- da na javnom otvaranju ponuda nisu prisustvovali predstavnici ponuđača,
- da je na protokol Zavoda za predmetnu nabavku u predviđenom roku pristigla ukupno jedna ponuda i to ponuda ponuđača:

Redni broj omotnice ponude	Naziv ponuđača	Cijena ponude
1	JU KANTONALNA BOLNICA ZENICA	3.933,80 KM

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

1. USLOVI ZA KVALIFIKACIJU PONUĐAČA

Lična sposobnost član 45. Zakona o javnim nabavkama BiH

Ponuđač je dužan u svrhu dokazivanja lične sposobnosti dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tačke a) do d) ponuđač je dužan dostaviti:

- popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih

sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije dokumenata navedenih u tački 12. ove tenderske dokumentacije u roku od 5 (pet) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

Ugovorni organ može na period od 12 mjeseci isključiti iz učešća u postupku nabavke kandidata/ponuđača koji se nađe u bilo kojoj od sljedećih situacija:

- a) ako ima dokaz da je kandidat/ponuđač sklopio sporazum s drugim kandidatom/ponuđačem kojemu je cilj narušavanje tržišne konkurencije;
- b) ako ugovorni organ može dokazati odgovarajućim dokaznim sredstvima da je ponuđač kriv za teški profesionalni propust koji dovodi u pitanje njegov integritet;
- c) ako se utvrde značajni nedostaci tokom provođenja prethodnog javnog ugovora ili prethodnog ugovora sa sektorskim ugovornim organom čija je posljedica bila prijevremeni raskid tog prethodnog ugovora, naknada štete ili druga slična sankcija;
- d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacionih i/ili kriterija za dodjelu ugovora, ako je prikrio takve informacije ili nije u stanju priložiti popratne dokumente;
- e) ako se sukob interesa u smislu člana 52. zakona ne može ukloniti drugim, manje drastičnim mjerama."

Rok od 12 mjeseci na koji se može isključiti ponuđača/kandidata računa se od dana donošenja odluke nadležnog organa.

Kandidat/ponuđač kod kojeg su ostvarene osnove za isključenje po gore nabrojanim dokazima koji se mogu predočiti, može dostaviti dokaze ugovornom organu o mjerama koje je preduzeo kako bi dokazao svoju pouzdanost bez obzira na postojanje relevantne osnove za isključenje.

Preduzimanje kandidat/ponuđač dokazuje:

- a) plaćanjem naknade štete ili preduzimanjem drugih odgovarajućih mjera s ciljem plaćanja naknade štete prouzrokovane krivičnim djelom ili propustom;
- b) aktivnom saradnjom s nadležnim istražnim organima radi potpunog razjašnjenja činjenica i okolnosti u vezi s krivičnim djelom ili propustom;
- c) odgovarajućim tehničkim, organizacionim i kadrovskim mjerama radi sprečavanja daljnjih krivičnih djela ili propusta.

Mjere koje je preduzeo kandidat/ponuđač (gore nabrojane) ocjenjuju se uzimajući u obzir težinu i posebne okolnosti djela ili propusta, te je obavezan obrazložiti razloge prihvatanja ili neprihvatanja mjera. Ugovorni organ neće isključiti kandidata/ponuđača iz postupka javne nabavke ako je ocijenjeno da su preduzete mjere primjerene.

Kandidat/ponuđač kojemu je pravosnažnom presudom određena zabrana učešća u postupcima javne nabavke na određeno vrijeme nema pravo korištenja mogućnosti dostavljanja dokaza do isteka roka zabrane u državi u kojoj je presuda na snazi.

Ako ugovorni organ ima sumnje o postojanju okolnosti za odbacivanje ili isključenje kandidata/ponuđača, može se obratiti nadležnim organima s ciljem pribavljanja potrebnih informacija u predmetnom postupku.

Profesionalna sposobnost (čl. 46 ZJN BiH)

Ponuđač je dužan u svrhu dokazivanja profesionalne djelatnosti dokazati da je u skladu sa članom 46. ZJN BiH:

a) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,

U svhu dokazivanja uslova iz tačke a) ponuđač je dužan dostaviti:

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude - obična kopija.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenoj kopiji od strane nadležnog organa, u roku od sedam (7) dana od dana zaprimanja obavještenja o rezultatima ovog postupka javne nabavke.

Izjave o uslovima isporuke

U vezi sa uslovima isporuke ponuđač je dužan dostaviti uz ponudu i sljedeće izjave:

1. Izjava ponuđača da je mjesto pružanja usluge saglasno tački 2.TD – mjesto izvršenja usluga,
2. Izjava ponuđača da su za vrijeme trajanja ugovora cijene usluga nepromjenjive,
3. Izjava ponuđača o roku isporuke usluga, saglasno tački 2. TD - rok za izvršenje usluga,
4. Izjava ponuđača o vremenu trajanja ponude u roku od 120 (stotinudvadeset) dana,
5. Izjava ponudjača da prihvata bezavansno plaćanje cijene u roku od 60 (šezdeset) dana od dana prijema fakture na protokol ugovornog organa,
6. Izjava da prihvata elektronsku dostavu narudžbi,
7. Izjava ponuđača da je tehnički, kadrovski i prostorno osposobljen za pružanja usluga koje su predmet ove nabavke,
8. Izjava ponuđača da će obezbijediti besplatan sanitetski prijevoz pacijenta od Odjeljenja za stacionarni tretman - krug kantonalne bolnice Zenica do mjesta pružanja usluge - adresa ponuđača.

2. PODACI O PONUDI

Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu. Pri pripremi ponude

ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

Ponuda mora sadržavati:

- a) Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za ponudu - **Prilog 1**;
- c) Obrazac za cijenu ponude - **Prilog 2**;
- d) Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama, ovjerena kod nadležnog organa (općinskog organa uprave, suda ili notara) - **Prilog 3**;
- e) Obične kopije dokumenata kojima ponuđač dokazuje ispunjenost uslova iz člana 46. Zakona;
- f) Izjave ponuđača o uslovima pružanja usluga iz tačke 3.3. TD, dostavljaju se originalne izjave;
- g) Pismena izjava ponuđača iz člana 52. Zakona o javnim nabavkama, ovjerena kod nadležnog organa (općinskog organa uprave, suda ili notara) - **Prilog 4**;
- h) Izjava ponuđača o prihvatanju garancije za dobro izvršenje ugovora u visini od 10% od vrijednosti ugovora - **Prilog 5**;
- i) Forma garancije - **Prilog 6**;
- j) Parafiran i potpisan nacrt ugovora - **Prilog 7**;
- k) Izjava ponuđača o prihvatanju općih i posebnih uslova tenderske dokumentacije - **Prilog 8**;
- l) Obrazac povjerljivih informacija - **Prilog 9**;
- m) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

Komisija konstatuje da je ponuđač „JU Kantonalna bolnica Zenica” uz ponudu dostavio dokumentaciju i to kako slijedi:

- Naslovna strana ponude sa osnovnim podacima o ponuđaču, na memorandumu ponuđača, potpisana i ovjerena od strane ovlaštene osobe ponuđača;
- Obrazac za dostavljanje ponude, **Prilog 1**, sa popisom dostavljenih dokumenata - popunjen, potpisan i ovjeren od strane ovlaštene osobe ponuđača;
- Obrazac za cijenu ponude, **Prilog 2**, popunjen, potpisan i ovjeren od strane ovlaštene osobe ponuđača;
- Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH, **Prilog 3**, popunjena, potpisana i ovjerena od strane ovlaštene osobe ponuđača i ovjerena od strane Notara Belma Bektaš dana 19.11.2025. godine;
- Kopija Aktulenog izvoda iz sudskog registra izdata od Općinskog suda u Zenici, broj: 043-O -RegZ-25-002281 od 10.07.2025. godine – ovjerena od strane Notara Ramiz Pivić dana 19.11.2025. godine;
- Izjava ponuđača da će JU Kantonalna bolnica Zenica u ugovorenom periodu pružati usluge na Odjeljenju za stacionarni tretman – Detoks Javne zdravstvene ustanove Zavod za bolesti ovisnosti Zeničko-dobojskog kantona – krug Kantonalne bolnice Zenica, od dana 18.11.2025. godine – potpisana i ovjerena od strane ovlaštene osobe ponuđača;

- Izjava ponuđača da su za vrijeme trajanja ugovora cijene usluga nepromjenjive od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da će rokovi za izvršenje usluga za vrijeme trajanja ugovora biti određeni u skladu sa potrebama ugovornog organa, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da je rok trajanja ponude 120 (stotinu i dvadeset) dana, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da prihvata bezavansno plaćanje usluga u roku od 60 (šezdeset) dana od dana prijema fakture na protokol ugovornog organa, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da prihvata elektronsku dostavu narudžbi, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da je tehnički, kadrovski i prostorno osposobljen za pružanje usluga koje su predmet ove nabavke, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača da će obezbijediti besplatan sanitetski prevoz pacijenata sa Odjeljenja za stacionarni tretman – krug JU Kantonalne bolnice Zenica do mjesta pružanja usluge - adresa ponuđača, ukoliko se usluge pružaju van Detoks odjeljenja, od dana 18.11.2025. godine - potpisana i ovjerena od strane ovlaštene osobe ponuđača;
- Izjava ponuđača iz člana 52. Zakona o javnim nabavkama BiH, **Prilog 4**, popunjena, potpisana od strane ponuđača i ovjerena od strane Notara Belma Bektaš dana 19.11.2025. godine;
- Izjava ponuđača o dostavi garancije za uredno izvršenje ugovora, **Prilog 5**, od dana 18.11.2025. godine - potpisana i ovjerena od strane ovlaštene osobe ponuđača;
- Forma garancije - **Prilog 6**;
- Nacrt ugovora, **Prilog 7** - potpisan i ovjeren od strane ovlaštene osobe ponuđača;
- Izjava ponuđača o prihvatanju općih i posebnih uslova tenderske dokumentacije, **Prilog 8**, od dana 18.11.2025. godine - potpisana i ovjerena od strane ovlaštene osobe ponuđača;
- Obrazac povjerljive informacije, **Prilog 9**, nema povjerljivih informacija – potpisan i ovjeren od strane ovlaštene osobe ponuđača;

Ponudu za nabavku usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman – Detoks za potrebe Javne zdravstvene ustanove Zavod za bolesti ovisnosti Zeničko-dobojskog kantona na period od 2 (dvije) godine (tender br. 02-4/25), dostavio je jedan ponuđač: „JU KANTONALNA BOLNICA ZENICA“.

Analizom ponude ponuđača “JU Kantonalna bolnica Zenica” utvrđeno je da je ponuda uvezana na način utvrđen tenderskom dokumentacijom, da je ponuđač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu lične i profesionalne sposobnosti ponuđača, odnosno da ista ispunjava sve zahtjeve u pogledu opisa predmeta nabavke i tehničkih specifikacija.

Ponuda ponuđača “JU Kantonalna bolnica Zenica” je ocijenjena kao prihvatljiva za ugovorni organ.

Komisija konstatuje da ponuđač kao sastavni dio ponude nije dostavio original ili ovjerene dokumente iz člana 45. Zakona o javnim nabavkama, a koje je u obavezi dostaviti u roku od pet dana od dana zaprimanja obavještenja o rezultatima ovog postupka.

Komisija jednoglasno donosi odluku da se direktoru predloži odabir ponuđača „JU KANTONALNA BOLNICA ZENICA“ kao najpovoljnijeg ponuđača za nabavku usluga laboratorijskih pretraga i drugih medicinskih usluga pacijentima koji nisu osiguranici Zavoda zdravstvenog osiguranja Zeničko-dobojskog kantona, a koji su na liječenju na Odjeljenju za stacionarni tretman – Detoks, za potrebe Javne zdravstvene ustanove Zavod za bolesti ovisnosti Zeničko-dobojskog kantona, na period od 2 (dvije) godine (tender br. 02-4/25) sa ukupno ponuđenom cijenom ponude u iznosu od 3.933,80 KM bez PDV-a, da se izvrši dodjela i zaključivanje ugovora sa navedenim ponuđačem na period od 2 (dvije) godine, na ukupan iznos do 30.000,00 KM bez PDV-a.

Sastanak je završen 24.11.2025. u 11:30 sati.

Na osnovu naprijed navedenog, riješeno je kao u dispozitivu ove odluke.

POUKA O PRAVNOM LIJEKU : Protiv ove odluke može se podnijeti prigovor Ugovornom organu u roku od 5 (pet) dana od dana prijema odluke.

Dostaviti:

1x Ponuđačima putem e-maila,
1x web stranica Zavoda,
1x tenderska dokumentacija,
1x a/a.

V.D. direktora



Prim. mr. sci. Čustović dr. Amir
specijalista neurospihijatar